

INUIT ATAQATIGIIT

INATSISARTUNI



UPA 2014/156

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Sinerissami tarnimikkut napparsimasut sullinneqarnerisa pitsaassusaata ukiut tamaasa nalilersuiffigineqartarnissaa siunertaralugu Naalackersuisut pequneqar-nissaannik Inatsisartut aalajangiiffigisassaattut siunnersuut. Naliisussat tassaas-sapput atuisut sulisullu ulluinnarni pineqartunik passussisartut.

(Inatsisartunut ilaasortaq Agathe Fontain, Inuit Ataqatigiit)

Tunngavilersuut

2010-mi Tarnimikkut nappaatillit pillugit nalunaarusiaq Inatsisartuni eqqartorneqarpoq, taassumalu kingorna 2012-mi Kalaallit Nunaanni qarasaasiaq atorlugu tarnimikkut nappaa-tilinnik katsorsaaneq pillugu nassuiaat atuutilersitsinissamullu iliuusissatut siunnersuut Inat-sisartunut agguaanneqarluni.

Nalunaarusiat siunertaraat pitsaanerusumik assigiinerusumillu Nunatsinni tarnimikuk nappaatillit sullinneqartariaqarnerat.

Tarnimikkut nappaateqartut peqataatinnagit nalilersuisarneq ataavortoq atorneqassappat pilersaarutit suliassanillu pingaarnersuineq pisortat isaanniit taamaallaat aallaavigine-qalersinnaanera ernumanartippara.

Tarnimikkut nappaateqartut nalilersuitinneqarsinnaapput pisariitsunnguamik nalilersue-riaatsimik sananikkut, pissanganassaarluk taakku pineqartut isaanniit suut pingaartinne-qassanersut.

Sulisut akornanni nalilersuineq aamma pingaaruteqarpoq, namminneq sullitaminnut ulluin-narni ingerlanertik taamaalillutik nalilersuiffigissammassuk pineqartut pisariaqarsorisannik tusarfigisinnaallugit.

Naalackersuisut nalilersuisarnissamik pisussaaffilerneqarnerisigut tarnimikkut napparsima-sut pitsaanerusumik sullinneqalernissat angusinnaagippat qularutiginnigilara.

Pisortani aningaasaqarnikkut allaffissornikkullu kingunerisassa

Naatsorsuutigineqarpoq Naalackersuisut pisortaqarfiinut aningaasatigut killiliussaareersut iluanni siunnersuut piviusunngortinneqarsinnaassasoq. Pisortaqarfinni suliassanut allanut peqatigitillugu taamatut periarfissaqassanngippat naatsorsuutigaara Naalackersuisut taman-na pillugu akissuteqaamminni erseqqissumik nalunaaruteqarfigiumaaraat, tamatuma kingor-nagut siunnersuutit qanorpiaq aningaasalersorneqarnissaa Inatsisartut isummerfigisaria-qassammassuk.

Namminersorlutik inuussutissarsiortunut aningaasaqarnikkut allaffissornikkullu kingunerisassa

Namminersorlutik inuussutissarsiortunut aningaasaqarnikkut allaffissornikkullu kinguneqas-sanngilaq.

Innuttaasunut aningaasaqarnikkut allaffissornikkullu kingunerisassa

Tarnimikkut napparsimasut sullinneqarnerat pitsanngoriaateqassasoq naatsorsuutigine-qarpoq.